



Bosna i Hercegovina  
Federacija Bosne i Hercegovine  
**Kantonalno tužilaštvo**  
**Kantona Sarajevo**

Broj: T09 0 KT 0179158 22  
Sarajevo, 26.12.2025. godine

OPĆINSKOM SUDU SARAJEVO  
Sudiji za prethodno saslušanje

**SARAJEVO**

Na osnovu člana 45. stava 2. tačke h) i člana 241. stav 1. ZKP F BiH, podižem

## **OPTUŽNICU**

### **PROTIV:**

1. **DANIJEL DŽAFIĆ, zv. „Dado“**, rođen 1980. godine, nastanjen u ulici ....., trenutno boravi na adresi ....., završena SSS, po zanimanju mašinski tehničar, nezaposlen, po narodnosti Bošnjak, državljanin BiH i R. Srbije, oženjen, otac dvoje mlđb. djece, JMB: ....., **neosuđivan**.
2. **MERIM CERIĆ, zv. Mera**, rođen 1994. godine, nastanjen u ulici ....., Bošnjak, državljanin BiH, po zanimanju autolimar, nezaposlen, oženjen, otac dvoje mlđb. djece, JMB: ....., **neosuđivan**.

### **Što su :**

1. U vremenskom periodu od septembra 2021. godine, pa do dana 25.07.2022. godine, u Sarajevu, po prethodnom dogovoru, a u namjeri pribavljanja protivpravne imovinske koristi, svjesni da lažnim prikazivanjem činjenica, dovode u zabludu S.T., i održavaju je u zabludi, da učini štetu na račun svoje imovine, a šteta prelazi 30.000,00 KM, a što su i htjeli, pa su tako znajući da je S.T. prodala svoj stan, i da želi kupiti novi, istoj na prodaju ponudili stan u ulici ..... za iznos novca od 183.500,00 KM, rekavši joj da je vlasnik stana A.E., za koje lice su znali da nije vlasnik pomenutog stana, te kada je ista pristala na kupovinu, Danijel Džafić sa E.V. vlasnikom agencije za nekretnine „.....“ Sarajevo, dogovorio obilazak stana, koji stan je S.T. u cilju kupovine i pogledala, nakon čega su Danijel Džafić i Merim Cerić zahtijevali od S.T. da im na ime avansa za stan, a potom po njihovim uputama na ime posudbe i pozajmice na otvorene račune koje su imali u više banaka u Sarajevu, uplaćuje određene iznose novca za kupovinu stana, pa je tako ista Džafić Danijelu, Merimu Ceriću i A.F. supruzi Džafić Danijela,

uplatila ukupan iznos novca od 130.825,00KM, a na ruke Džafić Danijelu i Cerić Merimu predala iznos novca od 52.675,00 KM, da bi Cerić Merim, istovremeno S.T. saopštio da je cijena stana u ulici ..... porasla na iznos od 300.000,00 KM, te joj u zamjenu, obzirom da joj je cijena bila previsoka, iako su znali da nisu ovlašteni da nude na prodaju, ponudili stan u naselju Kromolj, a potom stan u naselju Nova Otoka, za iznos novca od 250.000,00 KM, rekavši joj da se u stanu trenutno nalaze Arapi, te kada je S.T. pristala na kupovinu stana, ista zahtijevala da useli, da bi saznala da Džafić Danijel i Merim Cerić nisu ovlaštena lica angažovana za prodaju navedenog stana, nakon čega je S.T. zahtijevala da Danijel Džafić i Merim Cerić potpišu izjave da su od iste primili novac u ukupnom iznosu 179.000,00 KM što su oni odbili, te se na njene pozive prestali javljati, na koji način su pribavili protivpravnu imovinsku korist u iznosu od 179.000,00 KM i za koji iznos novca su oštetili S.T.

Danijel Džafić sam:

2. Dana 11.10.2022. godine, u vremenskom periodu od 00,00 do 00,30 sati, dok se nalazila u stanu u ulici ..... broj ..., opština Centar, Sarajevo, svjestan da ugrožava sigurnost S.T., ozbiljnom prijetnjom da će napasti na život i tijelo iste, a što je i htio, na broj telefona ..... pozvao sa broja telefona ..... te uputio ozbiljne prijetnje riječima „Kruvo i rospijo, zbog prijave koju si podnijela, silovaću i tebe i dijete, zapaliti ti auto, a onda otići na kafu sa tvojim roditeljima, dobro pazi kuda hodaš“, nakon čega je S. prekinula vezu, da bi zatim sa istog broja još par puta uslijedio poziv, na koje se ista nije javljala, da bi isti sa broja telefona ..... više puta pozivao na broj telefona ..... vlasništvo ..... mldb. sina S.T., na koje pozive se isti nije javljao, a koje prijetnje je S.T. ozbiljno shvatila, a koje su kod iste izazvale strah i uznemirenje,

**Dakle**, pod tačkom 1. osumnjičeni Danijel Džafić i Merim Cerić kao saizvršioци, s ciljem pribavljanja protivpravne imovinske koristi, lažnim prikazivanjem činjenica doveli drugog u zabludu da učini nešto na štetu svoje imovine i održavali ga u zabludi, a šteta prelazi 30.000,00 KM, a osumnjičeni Danijel Džafić pod tačkom 2. ugrozio sigurnost druge osobe, ozbiljnom prijetnjom da će napasti na život i tijelo te osobe,

**Čime bi** pod tačkom 1. osumnjičeni Danijel Džafić i Merim Cerić počinili krivično djelo prevare iz člana 294. stav 2. u vezi stava 1. KZ F BiH, u vezi sa članom 31. istog Zakona, a osumnjičeni Danijel Džafić pod tačkom 2. počinio krivično djelo ugrožavanje sigurnosti iz člana 183. stav 1. KZ FBIH, a u odnosu na osumnjičenog Danijela Džafića sve u vezi sa članom 54. KZ FBIH.

**KANTONALNA TUŽITELJICA**